




REPUBLIKA E KOSOVËS - REPUBLIKA KOSOVO	
KOMUNA E VUSHTRRIË-OPŠTINA VUÇITRN	
01 Nr. / Br	74116
Nr. i fq. / Br. st	- 3 -
Data: / Datum	28.04.2016
VUSHTRRI - VUÇITRN	



Republika e Kosovës

Kuvendi i Komunës-Vushtrri

Bazuar në nenin 12.2 (d) të Ligjit për Vetëqeverisjen Lokale nr.03/L-040, nenin 4,5, dhe 7 të Ligjit për Dhënie në Shfrytëzim dhe Këmbim të Pronës së Paluejtshme të Komunës nr.04/L-144, nenet 4, 5 dhe 6 të Rregullores (QRK) nr. 23/2013 për përcaktimin e procedurave të dhënies në shfrytëzim dhe këmbimit të pronës së paluejtshme të komunës, nenet 40.2 pika (k) dhe 41.2 (ç) të Statutit të Komunës, nenin 4 paragrafët 1 dhe 2 të Rregullores nr. 278/15 dt. 30.12.2015 për Tarifa dhe Ngarkesa, dispozitat e Rregullores nr. 62/16 dt. 31.03.2016 për Menaxhimin e Parkingjeve Publike në Komunën e Vushtrrisë, kuvendi i komunës në mbledhjen e mbajtur me **28 prill 2016**, mori këtë:

### V E N D I M

#### Për miratim paraprak për dhënie në shfrytëzim afatshkurtër me kompensim të pronës publike të komunës

1.Me këtë vendim miratohet paraprakisht propozimi për dhënie në shfrytëzim afatshkurtër me kompensim, prona publike komunale si në vijim:

1.1.Në zonën e parë dhe të dytë përfshihen këto vend parkingje:

- 1.1.1. Ngastra kadastrale 504 dhe 505 te ish stadiumi i hendbollit me sipërfaqe prej 1,225 m<sup>2</sup>, me kapacitet prej 40 vend parkimeve;
- 1.1.2. Shiriti i ndarë i ngastrës kadastrale 1116 i rr. „Dëshmorët e Kombit”, me kapacitet prej 69 vend parkimeve;
- 1.1.3. Shiriti i ndarë i ngastrës kadastrale 3536 i rr. „Skënderbeu” me kapacitet prej 92 vend parkimeve;

1.2.Në zonën e tretë përfshihen këto vendparkingje:

- 1.2.1. Shiriti i ndarë i ngastrës kadastrale 1102 i rr. „Kruja” me kapacitet prej 10 vend parkimeve;
- 1.2.2. Shiriti i ndarë i ngastrës kadastrale 1127 i rr. „Halit Quka” me kapacitet prej 12 vend parkimeve.

2.Sipërfaqet e cekura si në pikën 1 të këtij vendimi, jepen në shfrytëzim afatshkurtër përmes ankandit publik në kohëzgjatje prej pesë (5) viteve.

3. Shfrytëzuesi i pronës komunale do të lidhë kontratë me komunën për shfrytëzim të pronave publike të përmendura në pikën 1 të këtij Vendimi.

4. Komuna rezervon të drejtën e shkëputjes para kohe të kontratës nëse një gjë të tillë e kërkon interesi i përgjithshëm publik. Në këtë rast komuna do ta njoftoj shfrytëzuesin e pronës komunale tre (3) muaj më herët.

5. Çmimet e inkasimit për parkimin e mjeteve motorike janë të përcaktuara në Rregulloren 01 nr. 278/15 për Tarifa dhe Ngarkesa Komunale.

6. Çmimi fillestar i interesit publik të komunës për të cilin është i obliguar të paguaj përfituesi është me sa vijon:

6.1. Për zonën e parë dhe të dytë për një (1) muaj për një vendparkim: dy (2) euro apo;

6.1.1 Në ngastrën kadastrale 504 dhe 505 me kapacitet prej 40 vendparkimeve çmimi fillestar është 80 €.

6.1.2 Në ngastrën kadastrale 1116 me kapacitet prej 69 vendparkimeve çmimi fillestar është 138 €.

6.1.3 Në ngastrën kadastrale 3536 me kapacitet prej 92 vendparkimeve çmimi fillestar është 184 €.

6.2. Për zonën e tretë për një (1) muaj për një vendparkim: një euro e pesëdhjetë cent (1.5) apo;

6.2.1 Në ngastrën kadastrale 1102 me kapacitet prej 10 vendparkimeve çmimi fillestar është 15 €.

6.2.2 Në ngastrën kadastrale 1127 me kapacitet prej 12 vendparkimeve çmimi fillestar është 18 €.

7. Obligohet Drejtoria për Urbanizëm dhe Mbrojtje të Mjedisit të bëjë përditësimin dhe mirëmbajtjen e listës pas përfundimit të procedurave të ankandit dhe menaxhimit e kontratave pas lidhjes së tyre.

8. Obligohet Drejtoria për Gjeodezi, Kadastër dhe Pronë që pas përfundimit të procedurave të dhënies në shfrytëzim afatshkurtër të pronës së paluajtshme të komunës, ta regjistrojë në librat kadastral si pronë e dhënë në shfrytëzim në periudhë afatshkurtër.

9. Obligohet Komisioni Vlerësues i Ofertave që pas plotfuqishmërisë së këtij Vendimi, t'i zbatojë procedurat e dhënies në shfrytëzim afatshkurtër të pronës së paluajtshme të komunës në përputhje të plotë me dispozitat e Ligjit Nr. 04/L-144 për Dhënien në Shfrytëzim dhe Këmbimin e Pronës së paluajtshme të Komunës, si dhe të Rregullores (QRK) Nr. 23/2013 për Përcaktimin e procedurave të Dhënies në Shfrytëzim dhe Këmbimit të Pronës së Paluajtshme të Komunës.

10.Për zbatimin e këtij Vendimi obligohen: Drejtoria për Shërbime Publike, Drejtoria për Urbanizëm dhe Mbrojtje të Mjedisit, Drejtoria për Drejtoria për Gjeodezi Kadastër dhe Pronë.


11.Ky vendim hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë së Administrimit të Pushtetit Lokal, dhe pas publikimit në faqen zyrtare të Komunës së Vushtrrisë.



**Shpëtim Zhegrova**  
**Kryesues i Kuvendit**



REPUBLIKA E KOSOVËS - REPUBLIKA KOSOVO	
KOMUNA E VUSHTRRISË-OPËSTINA VUÇITRN	
01 Nr. / Br	75/16
Nr. i fq. / Br. st	- 1 -
Data: / Datum	28.04.2016
VUSHTRRI - VUÇITRN	



Republika e Kosovës

Kuvendi i Komunës-Vushtri

Në mbështetje të nenit 12, paragrafi 2 (pika 2), lidhur me nenin 14, paragrafi 1, të Ligjit për Vetëqeverisjen Lokale (Nr.03/L-040), nenit 11, paragrafi 4 të Ligjit për Dhënien në Shfrytëzim dhe Këmbimin e Pronës së Paluajtshme të Komunës (Nr. 04/L-144), nenin 21 të Rregullores (QRK) Nr. 23/2013 për Përcaktimin e Procedurave të Dhënies në Shfrytëzim dhe Këmbimit të Pronës së Paluajtshme të Komunës, nenit 40, paragrafi 2 (pika "k"), lidhur me nenin 41, paragrafi 2 (pika "ç") të Statutit të Komunës së Vushtrrisë, Kuvendi i Komunës së Vushtrrisë në mbledhjen e mbajtur më **28 prill 2016** mori këtë:

### V E N D I M

#### Për këmbimin e pronës së paluajtshme komunale

- 1.Me këtë vendim, Komuna e Vushtrrisë bënë këmbimin e pronës së paluajtshme komunale, pjesë nga parcela kadastrale P-70202006-00278-1, në sipërfaqe prej 898m<sup>2</sup>, nga sipërfaqja e përgjithshme prej 4314m<sup>2</sup> Zona Kadastrale Bivolak, pronë e Komunës së Vushtrrisë me parcelën kadastrale P-70202033-00148-3 në sipërfaqe prej 898m<sup>2</sup> Zona Kadastrale Zhilivodë, pronë e Bashkësisë Islame në Vushtri.
- 2.Këmbimi i pronave, të cekura në pikën 1 të këtij vendimi bëhet me qëllim të sigurimit të hapësirës për nevojat e Shkollës Filllore në Fshatin Zhilivodë.
- 3.Obligohet Kryetari i Komunës që në afat prej pesë (5) ditësh, pas aprovimit të këtij vendimi nga Kuvendi i Komunës të bënë kërkesë në Ministrinë e Financave-ZVPP-së për vlerësimin e pronave të paluajtshme, të cilat janë objekt i këmbimit si dhe të lidh kontratë për këmbimin e pronave me pronarin e cekur në pikën 1 të këtij vendimi.
- 4.Obligohet Drejtoria për Gjeodezi, Kadastër dhe Pronë, që pas hyrjes në fuqi të këtij vendimi të bëjë parcializimin e ngastrave kadastrale në sipërfaqen e cekur në pikën 1 të këtij vendimit.
- 5.Për zbatimin e këtij vendimi obligohen: Kryetari i Komunës, Drejtoria për Urbanizëm dhe Mbrojtje të Mjedisit dhe Drejtoria për Gjeodezi, Kadastër dhe Pronë.
- 6.Ky vendim hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë së Administrimit të Pushtetit Lokal, dhe pas publikimit në faqen zyrtare të Komunës së Vushtrrisë.

Shpëtim Zhegrova



Kryesuesi i Kuvendit



REPUBLIKA E KOSOVËS - REPUBLIKA KOSOVO	
KOMUNA E VUSHTRRIË-OPËSTINA VUÇITRË	
01 Nr. / Br	76 / 16
Nr. i fq. / Br. st	- 1 -
Data: / Datum	28.04.2016
VUSHTRRI - VUÇITRË	




Republika e Kosovës

Kuvendi i Komunës-Vushtrri

Në mbështetje të nenit 12.2 “d” nenin 40.2 “c” të Ligjit Nr.03/L40 për Vetëqeverisje Lokale, nenin 40.2 “dh” nenin 41.2 “ç” të Statutit të Komunës, nenit 10 të Rregullores 01Nr.37-2/11 dt.24.02.2011 mbi përcaktimin e kriterëve të ndarjes së subvencioneve entiteteve publike dhe jopublike dhe ndihmës momentale në të holla, si dhe kërkesës të dt.05.02.2016 të Sabit Sylës, Kuvendi i Komunës së Vushtrrisë në mbledhjen e mbajtur më **28 prill 2016**, mori këtë:

**VENDIM**  
**PËR FINANCIMIN E PROJEKTIT SHKENCOR-MONOGRAFISË**  
**“BATALIONI I -IV-REXHEP MUSA”**

- 1.Me këtë vendim lejohet pagesa e mjeteve financiare në vlerën prej pesë mijë euro (5,000 €) nga buxheti i komunës – fondi për subvencione për Sabit Sylën me vendbanim në fshatin Çubrel Komuna e Skenderajt.
- 2.Mjetet e cekura në pikën 1 të këtij vendimi ndahen me qëllim të financimit të projektit shkencor-monografisë “Batalioni i IV-të Rexhep Musa”.
- 3.Për zbatimin e këtij vendimi obligohen: Kryetari i Komunës dhe Drejtorja për Buxhet dhe Financa.
4. Ky Vendim hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë për Administrimin e Pushtetit Lokal, si dhe pas publikimit në faqen zyrtare të Komunës së Vushtrrisë.



**Shpëtim Zhegrova**

**Kryesuesi i Kuvendit**



REPUBLIKA E KOSOVËS - REPUBLIKA KOSOVO	
KOMUNA E VUSHTRRIË-OPŠTINA VUÇITRN	
01 Nr. / Br	77/16
Nr. i fq. / Br. st	- 1 -
Data: / Datum	28.04.2016
VUSHTRRI - VUÇITRN	




Republika e Kosovës

Kuvendi i Komunës-Vushtrri

Bazuar në nenin 40.2 “c” të Ligjit Nr.03/L40 për Vetëqeverisje Lokale, nenin 40.2 “dh” të Statutit të Komunës, nenit 8 të Rregullores 01Nr.37-2/11 dt.24.02.2011 mbi përcaktimin e kriterëve të ndarjes së subvencioneve entiteteve publike dhe jopublike dhe ndihmës momentale në të holla, si dhe kërkesës të dt.14.04.2016 të Ismet Rames, Kuvendi i Komunës së Vushtrrisë në mbledhjen e mbajtur me **28 prill 2016**, mori këtë:

**V E N D I M**  
**PËR NDIHMË FINANCIARE PËR SHËRIM PËR ISMET RAMEN**

- 1.Me këtë Vendim lejohen mjete financiare në vlerë prej një mijë e pesëqind euro (1.500 €) nga buxheti i komunës – fondi për subvencione për Ismet Ramen me banim në fshatin Stanoc i Poshtëm, Komuna e Vushtrrisë.
- 2.Shuma e cekur në pikën 1 të këtij Vendimi ndahet me qëllim të shërimit të sëmundjes së tij.
- 3.Për zbatimin e këtij Vendimi obligohen: Drejtoria për Shëndetësi dhe Përkujdesje Sociale dhe Drejtoria për Buxhet dhe Financa.
- 4.Ky Vendim hyn në fuqi në ditën e aprovimit dhe nënshkrimit nga Kryesuesi i Kuvendit.



**Shpëtim Zhegrova**

**Kryesuesi i Kuvendit**